

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNI SUD U NOVOM TRAVNIKU
Broj: 06 0 K 018413 24 K
Novi Travnik, 30.09.2024. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudija Kokić Edvina kao predsjednika vijeća, Avdić Darmina i Aide Pezer Alić kao članova vijeća, uz sudjelovanje zapisničara Terzić Sadine, u krivičnom postupku protiv optuženog Z.P. zbog krivičnog djela „Razbojništvo“ iz člana 289. stav 2. u vezi sa stavom 1. i članovima 28. i 31. Krivičnog zakona („Službene novine Federacije Bosne i Hercegovine“, broj 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17), po optužnici Kantonalnog tužilaštva Travnik broj: T06 0 KT 0033497 23 od 27.05.2024. godine, nakon ročišta za razmatrane sporazuma o priznanju krivnje okončanog dana 30.09.2024. godine, u prisustvu Kantonalne tužiteljice Čorić Nevenke, optuženog P.Z. i branitelja optuženog Ferizović Bekira advokata iz Travnika, po obavljenom vijećanju i glasanju, donio je dana 30.09.2024. godine i javno objavio sljedeću:

PRESUDU

Optuženi: P. Z. sin F. i majke E. rođene Z., rođen godine u ..., nastanjen u mjestu ..., općina ..., Bošnjak, državljanin BiH, JMBG:..., po zanimanju vozač, zaposlen u ... d.o.o., neoženjen, pismen sa završenom SSS, nije služio vojsku, ne vodi se u vojnoj evidenciji, nema čin, nije odlikovan, lošeg imovnog stanja, neosuđivan,

KRIV JE

što je, zajedno sa H.M. i malodobnim E.O.,

Dana 15.08.2023.godine, oko 06,00 sati, po prethodnom dogovoru sa malodobnim E.O., a u namjeri pribavljanja protupravne imovinske koristi, vozilom marke Golf V, sive boje, vlasništvo M.H. dovezli se u mjesto ..., općina ..., do vikendice oštećene J.B., te upotrebom sile od oštećene pokušali oduzeti novac, na način da je iz vozila izišao M.H. sa nožem u ruci promjera oštrice 15,50 cm sa plastičnim rukohvatom od 12,50 cm i malodobnim E.O., koji su imali maskirne kape – čarape na glavi, a Z.P. ostao u vozilu čuvati stražu i da pazi da ne bi tko naišao kako bi o tome obavijestio M.H. i malodobnog E.O., svjestan da će M.H. i malodobni E.O. upotrebom sile od oštećene oduzeti novac i htijući to, dok su M.H. i malodobni E.O. prišli oštećenoj J.B. sa leđa koja se nalazila kod česme u blizini vikendice M.H. stavio joj ruku na usta, a zatim izvadio nož i stavljajući tupi dio noža ispod vrata, te joj se obratio riječima: „daj pare, gdje su pare“, nakon što im je odgovorila da nema para, a potom je M.H. drškom noža udario u predjelu sljepoočnice, od kojeg udarca je oštećena pala na tlo, a nakon toga je nastavili udarati nogama i rukama u predjelu glave i tijela, uslijed čega je oštećena zadobila lake tjelesne ozljede u vidu krvnog podljeva oko oba oka i oguljotinu kože na hrbatu nosa, prijeteći joj ako drugi put ne bude para da će biti pokojna, svjesni da upotrebom

prijetnje i noža od oštećene mogu pribaviti protupravnu imovinsku korist oduzimanjem novca i pokretnih stvari, što su i htjeli, pa kada su vidjeli da im oštećena neće predati novac i da ga nema, sjedaju u vozilo u kojem ih je čekao Z.P. i napuštaju lice mjesta i po dolasku u mjesto ... pored šumskog puta M.H. i malodobni E.O. sa sebe skidaju odjeću i odbacaju, kao i nož,

Dakle, prijetnjom da će opasnim oruđem izravno napasti na život neke osobe pokušali oduzeti tuđu pokretninu s ciljem da njenim prisvajanjem pribave sebi protupravnu imovinsku korist,

čime je počinio krivično djelo „Razbojništvo“ iz člana 289. stav 2. u vezi sa stavom 1. i članovima 28. i 31. Krivičnog zakona Federacije Bosne i Hercegovine,

pa ga sud temeljem istog člana i uz primjenu odredbi članova 42., 43., 49. stav 1., 50. tačka b) i 51. stav 1. tačka b) Krivičnog zakona Federacije BiH

OSUĐUJE

na kaznu zatvora u trajanju od 1 (jedne) godine.

Temeljem odredbe člana 57. stav 1. Krivičnog zakona Federacije BiH u izrečenu kaznu se ima uračunati vrijeme provedeno u pritvoru u periodu počev od 17.08.2023. godine pa do 17.09.2023. godine.

Oštećena B.J. sa imovinskopравnim zahtjevom se upućuje na parnični postupak.

Temeljem odredbe člana 202. stav 1. Zakona o krivičnom postupku Federacije BiH optuženi se obavezuje da naknadi troškove krivičnog postupka u ukupnom iznosu od 100,00 (jedna stotina) KM u roku od 15 dana po pravosnažnosti presude.

Zapisničar
Terzić Sadina

Predsjednik vijeća
Kokić Edvin